

白氏文集

四

白氏文集卷第九

感傷一古調詩五言五十五首

西明寺牡丹花時憶元九一作芸香吏

前年題名處今日看花來一作芸香吏

見牡丹開豈獨花堪惜方知老暗催何況

尋花伴東都去未廻詎知紅芳側春盡思

悠哉李后主

傷楊弘貞

顏子昔知命仲尼惜其賢楊生亦好學不



幸今復然誰識天地意獨與龜鶴年
權攝昭應早秋書事寄元拾遺兼呈

李司錄

夏閏秋候早七月風騷騷渭川烟景晚驪
山宮殿高丹殿子司諫赤縣我徒勞相去
半日程不得同遊遨到官來十日覽鏡生
二毛可憐趨走吏塵土滿青袍郵亭擁兩
驛簿書堆六曹爲問綱紀掾何必使鉛刀

新栽竹

佐邑意不適閉門秋草生何以娛野性種
竹百餘莖見此階上色憶得山中情有時
公事暇盡日繞欄行勿言根未固勿言陰
未成已覺庭宇內稍稍有餘清最愛近窻
卧秋風枝有聲

李司錄秋有聲

秋霖中遇尹縱之仙遊山居
慘慘八月暮連連三日霖邑居尚愁寂况
乃在山林林下有志士苦學惜光陰歲晚
千萬慮併入方寸心巖鳥共旅宿草蟲伴

愁吟秋天床席冷雨夜燈火深
意携酒一相尋

寄江南兄弟

分散骨肉戀趨馳名利率一奔塵埃馬一
汎風波船忽憶分首時憫默秋風前別來
朝復夕積日成七年花落城中地春深江
上天登樓東南望鳥滅烟蒼然相去復幾
許道里近三千平地猶難見况乃隔山川

曲江早秋

三年作

秋波紅蓼水夕照青蕪岸獨信馬蹄行曲
江池四畔早凉晴後至殘暑暝來散方喜
炎燠銷復嗟時節換我年三十六冉冉昏
復旦人壽七十稀七十新過半且當對酒
笑勿起臨風歎

寄題塾屋廳前雙松

憶昨為吏日折腰多苦辛歸家不自適無
計慰心神手栽兩樹松聊以當嘉賓乘春
日一往生意漸欣欣清韻度秋在綠茸隨

屋式寶
百字
處知栗
切礙也
止也

四作
西古
本

當去
象下

日新始，テ憐澗底色，レ不憶城中春，ヲ有時晝掩
關，ヲ雙影對一身，ニ盡日不寂寞，ニ意中如三人，
忽奉宣室詔，ヲ徵爲文苑臣，ニ閑來一惆悵，ス長
似別交親，ヲ早知烟翠前，ニ攀翫不逡巡，テ悔從
白雲裏，ニ移爾落囂塵。

翰林院中感秋懷王質夫

何處感時節，ヲ新蟬禁中聞，ニ宮槐有秋意，ス風
夕花紛紛，ヲ寄跡鴛鴦行，ニ歸心鷗鶴群，ニ唯有
王居士，ヲ知予憶白雲，ヲ何日仙遊寺，ニ潭前秋

見君

禁中月

海上明月出，ヲ禁中清夜長，ニ東南樓殿白，レ稍
稍上，ニ宮牆淨落金塘水，ニ明浮玉砌，ニ霜不比
人間見，ヲ塵土污清光。

贈賣松者

一束蒼蒼色，ヲ知從澗底來，ニ斲掘經幾日，ニ枝
葉滿塵埃，ヲ不買非他意，ニ城中無地栽。
初見白髮

白髮生一莖朝來明鏡裏勿言一莖少滿
頭從此始青山方遠別黃綬初從仕未料
容鬢間蹉跎忽如此

別元九後詠所懷

零落桐葉雨蕭條槿花風悠悠早秋意生
此幽閑中况與故人別中懷正無悰勿云
不相送心到青門東相知豈在多但問同
不同同心一人去坐覺長安空

禁中秋宿

風翻朱裏幕雨冷通中枕耿耿背斜燈秋
床一人寢

早秋曲江感懷

四十作

離離暑雲散嫋嫋涼風起池上秋又來荷
花半成子朱顏自銷歇白日無窮已人壽
不如山年光忽於水青蕪與紅蓼歲歲秋
相似去歲此悲秋今秋復來此

寄元九

身爲近密拘心爲名檢縛月夜與花時少

逢盃酒樂唯。有元夫子閑來同一酌。把手
或酣歌。展眉時笑。謔今春除御史。前月之
東洛。別來未開顏。塵埃滿樽杓。蕙風晚香
盡。槐雨餘花落。秋意一蕭條。離容兩寂寞。
况隨白日老。共負青山約。誰識相念心。鞦
鷹與籠鶴。

春暮寄元九

梨花結成實。鸞卵化為雛。時物又若此。道
情復何如。但覺日月促。不嗟年歲徂。浮生

都是夢。老少亦何殊。唯與故人別。江陵初
謫居。時時一相見。此意未全除。

早梳頭

夜沐早梳頭。窻明秋鏡曉。颯然握中髮。一
沐知一少年事。漸蹉跎。世緣方繳繞。不學
空門法。老病何由了。未得無生心。白頭亦
爲天。

出關路

山川函谷路。塵土游子顏。蕭條去國意。秋

風生故關

別舍弟後月夜

悄悄初別夜，去住兩盤桓。行子孤燈店，居人明月軒。平生共貧苦，未必日成歡。及此暫為別，懷抱已憂煩。况是庭葉盡，復思山路寒。如何為不念，馬瘦衣裳單。

新豐路逢故人

塵土長路晚，風烟廢宮秋。相逢立馬語，盡日此橋頭。知君不得意，鬱鬱來西游。惆悵

新豐店何人識馬周

金鑿子醉日

行年欲四十，有女曰金鑿。生來始周歲，學坐未能言。慙非達者懷，未免俗情怜。從此累身外，徒云慰目前。若無夭折患，則有婚嫁牽。使我歸山計，應遲十五年。

青龍寺早夏

塵埃經小雨，地高倚長坡。日西寺門外，景氣含清和。閑有老僧立，靜無凡客過。殘鶯

落官及
子對及
周年也

意思盡新葉陰涼多春去未幾日夏雲忽
差峩朝朝感時節年鬢暗蹉跎胡爲戀朝
市不去歸烟蘿青山寸步地自問心如何
秋題牡丹藪
晚藪白露夕衰葉涼風朝紅艷久已歇碧
芳今亦銷幽人坐相對心事共蕭條

勸酒寄元九

薤葉有朝露槿枝無宿花君今亦如此促
促生有涯既不逐禪僧林下學楞伽又不

隨道士山中煉丹砂百年夜分半一歲春
無多何不飲美酒胡然自悲嗟俗號銷憂
藥神速無以加一盃驅世慮兩盃反天和
三盃即酩酊或笑任狂歌陶陶復兀兀吾
孰知其他况在名利途平生有風波深心
藏陷窈巧言織網羅舉目非不見不醉欲
如何

曲江感秋

沙草新雨地岸柳涼風枝三年感秋意併

啜 卽計反

在曲江池早蟬已嘹唳晚荷復離披前秋去秋思一一生此時昔人三十二秋興已云悲我今欲四十秋懷亦可知歲月不虛設此身隨日衰暗老不自覺直到鬢成絲

酬張太祝晚秋卧病見寄

高才淹禮寺短羽翔禁林西街居處遠北闕官曹深君病不來訪我忙難往尋差池終日別寥落經年心露濕綠蕪地月寒紅樹陰况茲獨愁夕聞彼相思吟上歎言笑

池 池作 本古

阻下嗟時歲侵容衰曉窻鏡思苦秋絃琴一章錦繡段八韻瓊瑤音何以報珍重慙無雙南金

立秋日曲江憶元九

下馬柳陰下獨上堤上行故人千萬里新蟬三兩聲城中曲江上江陵城兩地新秋思應同此日情

早朝賀雪寄陳山人

長安盈尺雪早朝賀君喜將赴銀臺門始

出新昌里上堤馬蹄滑中路蠟燭死十里
向北行寒風吹破耳待漏五門外候對三
殿裏鬚鬢凍生水衣裳冷如水忽思仙游
谷暗謝陳居士暖覆褐裘眠日高應未起
初與元九別後忽夢見之及寤而書
適至兼寄桐花詩悵然感懷因以此

寄

求壽寺中語新昌坊北分歸來數行淚悲
事不悲君悠悠藍田路自云無消息計君

去云
本古作

食宿程已過商山北昨夜雲四散千里同
月色曉來夢見君應是君相憶夢中握君
手問君意何如君言苦相憶無人可寄書
覺來未及說叩門聲冬冬言是商州使送
君書一封枕上忽驚起顛倒著衣裳開緘
見手札一紙十三行上論遷謫心下說離
別腸心腸都未盡不暇叙炎涼云作此書
夜夜宿商州東獨對孤燈坐陽城山館中
夜深作書畢山月向西斜月前何所有一

樹紫桐花桐花半落時復道正相思殷勤
書背後兼寄桐花詩桐花詩八韻思緒一
何深以我今朝意憶君此夜心一章三遍
讀一句十迴吟珍重八十字字字化爲金

和元九悼往

美人別君去自去無處尋舊物零落盡此
情安可任唯有纈紗幌塵埃日夜侵馨香
與顏色不似舊時深透影燈耿耿籠光月
沉沉中有孤眠客秋涼生夜衾舊宅牡丹

院新墳松柏林夢中咸陽淚覺後江陵心
含此隔年恨發爲中夜吟無論君自感聞
者欲沾襟

重到渭上舊居

舊居清渭曲開門當蔡渡十年方一還幾
欲迷歸路追思昔日行感傷故游處挿柳
作高林種桃成老樹因驚成人者盡是舊
童孺試問舊老人半爲繞村墓浮生同過
客前後遞來去白日如弄珠出沒光不住

人物日改變舉目悲所遇迴念念我身安
得不衰暮朱顏銷不歇白髮生無數唯有
山門外三峯色如故

白髮

白髮知時節暗與我有期今朝日陽裏梳
落數莖絲家人不慣見憫默為我悲我云
何足恠此意爾不知凡人年三十外壯中
已衰但思寢食味已減二十時况我今四
十本來形貌羸書魔昏兩眼酒病况四肢

沈况
本古作

親愛日零落在者仍別離身心又如此白
髮生已遲由來生老死三病長相隨除却
無生念人間無藥治

秋日

池殘寥落水窻下悠揚日嫋嫋秋風多槐
花半成實下有獨立人年來四十一

將之饒州江浦夜泊

明月滿深浦愁人卧孤舟煩寃寢不得夏
夜長於秋苦乏衣食資遠為江海游光陰

殘作
淺古本

念作

坐遲暮鄉國行阻脩身病向鄴陽家貧寄
徐州前事與後事豈堪心併憂憂來起長
望但見江水流雲樹藹蒼蒼烟波淡悠悠
故園迷處所一念堪白頭

思歸

時初為校書郎

養無晨昏膳隱無伏臘資遂求及親祿
俛來京師薄俸未及親別家已經時冬積
溫席戀春違採蘭期夏至一陰生稍稍夕
漏遲塊然抱愁者夜長獨先知悠悠鄉關

別家
乍散

路夢去身不隨坐惜時節變蟬鳴槐花枝

冀城北原作

野色何莽蒼秋聲亦蕭疎風吹黃埃起落
日驅征車何代此開國封疆百里餘古今
不相待朝市無常居昔人城邑中今變為
丘墟昔人墓田中今化為里閭廢興相催
迫日月互居諸世變無遺風焉能知其初
行人千載後懷古空躊躇

本名去

催作
推古
本

客路感秋寄明準上人

日暮天地冷，雨霽山河清。長風從西來，草木凝秋聲。已感歲倏忽，復傷物凋零。孰能不慙悽，天時牽人情。借問空門子，何法易修行。使我忘得心，不教煩惱生。

遊襄陽懷孟浩然
楚山碧巖巖，漢水碧湯湯。秀氣結成象，孟氏之文章。今我諷遺文，思人至其鄉。清風無人繼，日暮空襄陽。南望鹿門山，詭若有一餘芳。舊隱不知處，雲深樹蒼蒼。

秋暮西歸途中書情

耿耿旅燈下，愁多常少眠。思鄉貴早發，發在雞鳴前。九月草木落，平蕪連遠山。秋陰和曙色，萬木蒼蒼然。去秋偶東遊，今秋始西旋。馬瘦衣裳破，別家來二年。憶歸復愁歸，歸歸無一囊。錢心雖非蘭膏安，得不自然。

秋懷

月出照北堂，光華滿階墀。涼風從西至，草木日夜衰。桐柳減綠陰，蕙蘭銷碧滋。感物

私自念我心亦如之安得長少壯盛衰迫
天時人生如石火為樂常苦遲

別之字上
有贈之字

贈別楊頴士盧克柔殷堯藩

倦鳥暮歸林浮雲晴歸山獨有行路子悠
悠不知還人生苦營營終日群動間所務
雖不同同歸於不閑扁舟來楚鄉疋馬往
秦關離憂繞心曲宛轉如循環且持一盃
酒聊以開離顏

離作愁

題贈定光上人

光下

二十身出家四十心離塵得徑入大道乘
此不退輪一坐十五年林下秋復春春花
與秋氣不感無情人我來如有悟潛以心
照身誤落聞見中憂喜傷形神安得遺耳
目冥然反天真

祇役駱口驛喜蕭侍御書至兼覩新
詩吟諷通宵因寄八韻

日暮心無慆吏役正營營忽驚芳信至復
與新詩并是時天無雲山館有月明月下

轉

悟俗為法
鄒也
マフサシ

讀數遍風前吟一聲一吟三四歎聲盡有
餘清雅哉君子文詠性不詠情使我靈府
中鄙悵不得生始知聽韶濩可使心和平
酬李少府曹長官舍見贈

佷腰復斂手心體不遑安一落風塵下方
知為吏難公事與日長宦情隨歲闌惆悵
青袍袖芸香無半殘賴有李夫子此懷聊
自寬兩心如止水彼此無波瀾往往簿書
暇相勸強為歡白馬曉蹋雪綠觴春暖寒

謹護
本古作

戀月夜同宿愛山晴共看野性自相近不
是為同官

留別

秋涼卷朝簾春暖撤夜衾雖是無情物欲
別尚沈吟况與有情別別隨情淺深二年
歡笑意一旦東西心獨留誠可念同行力
不任前事詎能料後期諒難尋唯有潺湲
淚不惜共沾衿

曉別

白集九

曉鼓聲已半，離筵坐難久。請君斷腸歌，送我和淚酒。月落欲明前，馬嘶初別後。浩浩暗塵中，何由見回首。

北園

北園東風起，雜花次第開。心知須臾落，一日三四來。花下豈無酒，欲酌復遲迴。所思眇千里，誰勸我一盃。

惜栢李花

樹小花鮮妍，香繁條軟弱。高仞二三尺，重

疊千萬萼。朝艷藹霏霏，夕凋紛漠漠。辭枝朱粉細，覆地紅綃薄。由來好顏色，嘗苦易銷爍。不見葭蕩花，狂風吹不落。

照鏡

皎皎青銅鏡，斑斑白絲鬢。豈復更藏年，實年君不信。

新秋

西風飄一葉，庭前颯已涼。風池明月水，衰蓮白露房。其奈江南夜，絲絲自此長。

夜雨其奈不雨
早蛩啼復歇
殘燈滅又明
隔窻知夜雨
芭蕉先有聲

秋江送客

秋鴻次第過
哀猿朝夕聞
是日孤舟客
此地亦離群
濛濛潤衣雨
漠漠冒帆雲
不醉潯陽酒
烟波愁殺人

感逝寄遠

寄通州元侍御異州崔員外澧州李舍人鳳州李昂中

昨日聞甲死
今朝聞乙死
知識三分中
二分

分化爲鬼逝者不復見
悲哉長已矣
存者今如何
去我皆萬里
平生知心者
屈指能有幾
通果澧鳳州
眇然四君子
相思俱老大
浮世如流水
應歎舊交遊
凋零一如此
何當一杯酒
開眼笑相視

秋月

夜初色蒼然
夜深光浩然
稍轉西廊下
漸滿南窻前
况是綠蕪地
復茲清露天
落葉聲策策
驚鳥影翩翩
棲禽尚不穩
愁人安

可眠

黃嶽... 隔... 向不... 愁人...

白氏文集卷第九

右全澤文庫魚本跋云

寬喜三年辛卯二月廿日

同廿三月點了

右全吾校尉原恭重

唯所房書寫之

Handwritten text in columns, including the title '白氏文集卷第九' and various annotations.

白氏文集卷第十

感傷二 古調 五言 七十八首

朱陳村詩

徐州古豐縣有村曰朱陳去縣百餘里桑

麻青氛氲機梭聲札札牛驢走紛紛女汲

澗中水男採山上薪縣遠官事少山深入

俗淳有財不行商有丁不入軍家家守村

業頭白不出門生為陳村民死為陳村塵

田中老與幼相見何欣欣一村唯兩姓世

紙云

孤

世爲婚姻親踈居有族少長游有群黃雞
與白酒歡會不隔旬生者不遠別嫁娶先
近鄰死者不遠葬墳墓多遶村旣安生與
死不苦形與神所以多壽考往往見玄孫
我生禮義鄉少小苦且貪徒學辯是非祇
自取辛勤世法貴名教士人重官婚以此
自桎梏信爲大謬人十歲解讀書十五能
屬文二十舉秀才三十爲諫臣下有妻子
累上有君親恩承家與事國望此不肖身

饑

憶昨旅遊初迨今十五春孤舟三適楚羸
馬四經秦書行有飢色夜寢無安魂東西
不暫住來往若浮雲離亂失故鄉骨肉多
散分江南與江北各有平生親平生終日
別逝者隔年聞朝憂卧至暮夕哭坐達晨
悲火燒心曲愁霜侵鬢根一生苦如此長
羨陳村民

讀鄧魴詩

塵架多文集偶取一卷披未及看姓名疑

是陶潛詩看名知是君惻惻令我悲詩人
多蹇厄近日誠有之京兆杜子美猶得一
拾遺襄陽孟浩然亦聞鬢成絲嗟君兩不
如三十在布衣擢第祿不及新婚妻未歸
少年無疾患溘死於路岐天不與爵壽唯
與好文詞此理勿復道巧曆不能推

寄元九 自此後在渭村作

晨雞纔發聲夕雀俄斂翼晝夜往復來疾
如出入息非徒改年貌漸覺無心力自念

消霜

因念君俱爲老所逼君年雖校少顛顛適
南國三年不放歸炎瘴銷顏色山無殺草
雪水有含沙蜮健否遠不知書多隔年得
願君少愁苦我亦加飡食各保金石軀以
慰長相憶

秋夕

葉聲落如雨月色白似霜夜深方獨卧誰
爲拂塵牀

夜雨

我有所念，人隔在遠。遠鄉我有所感，事結在深深。腸鄉遠去，不得無日，不瞻望。腸深解不得，無夕不思量。况此殘燈，夜獨宿，在空堂。秋天殊未曉，風雨正蒼蒼。不學頭陀法，前心安可忘。

秋霽

金火不相待，炎涼雨中變。林晴有殘蟬，巢冷無留鸞。沉吟卷長簟，惻愴收團扇。向夕稍無泥，關步青苔院。月出砧杵動，家家擣。

秋練獨對多病，妻不能理針線。冬衣殊未製，夏服行將綻。何以迎早秋，一盃聊自勸。

歎老三首

晨興照清鏡，形影兩寂寞。少年辭我去，白髮隨梳落。萬化成於漸漸衰，看不覺。但恐鏡中顏，今朝老於昨。人生少滿百，不得長歡樂。誰會天地心，千齡與龜鶴。吾聞善醫者，今古稱扁鵲。萬病皆可治，唯無治老藥。我有一握髮，梳理何稠直。昔似玄雲光，如

今素絲色匣中有舊鏡欲照先歎息自從
頭白來不欲明磨拭鷓頭與鶴頸至老長
如墨獨有人鬢毛不得終身黑
前年種桃核今歲成花樹去歲新嬰兒今
年已學步但驚物成長不覺身衰暮去矣
欲何如少年留不住因書今日意徧寄諸
親故壯歲不歡娛長年當悔悟

送兄弟迴雪夜

日晦雲氣黃東北風切切時從村南還新

與兄弟別離襟淚猶濕迴馬嘶未歇欲歸
一室坐天陰多無月夜長火消盡歲暮雨
凝結寂寞滿爐灰飄冷上階雪對雪畫寒
灰殘燈明復滅灰死如我心雪白如我髮
所遇皆如此頃刻堪愁絕迴念入坐忘轉
憂作禪悅平生洗心法正爲今宵設

溪中早春

南山雪未盡陰嶺留殘白西澗冰已銷春
溜含新碧東風來幾日蟄動萌草拆潛知

陽和功一日不虛擲愛此天氣暖來拂溪
邊石一坐欲忘歸暮禽聲嘖嘖蓬蒿隔桑
棗隱映烟火夕歸來問夜食家人烹薺麥
同友人尋澗花
聞有澗底花貫得村中酒與君來校遲已
逢搖落後臨觴有遺恨悵望空溪口記取
花發時期君重攜手我生日日老春色年
年有且作來歲期未知身健否

登村東古塚

低

高佷古時塚上有牛羊道獨立最高頭悠
哉此懷抱回頭向村望但見荒田草村人
不愛花多種栗與棗自來此村住不覺風
光好花少鶯亦稀年年春暗老

夢裴相公

五年生死隔一夕夢魂通夢中如往日同
直金鑾宮髣髴金紫色分明冰玉容勤勤
相眷意亦與平生同既寤知是夢憫然情
未終追想當時事何殊昨夜中自我學心

法萬緣成一空，今朝爲君子流涕。一露曾沾
坐整白單衣，起穿黃草履。朝飧盥漱畢，徐
下堦前步。暑風微變候，晝刻漸加數。院靜
地陰陰，鳥鳴新葉樹。獨行還獨卧，夏景殊
未暮。不作午時眠，日長安可度。

別行簡
漠漠病眼花，星星愁鬢雪。筋骸已衰憊，形
影仍分訣。梓州二千里，劔門五六月。豈是

遠行時，火雲燒棧熱。何言巾上淚，乃是腸
中血。念此早歸來，莫作經年別。

觀兒戲

齟齬七八歲，綺紈三四兒。弄塵復鬪草，盡
日樂嬉嬉。堂上長年客，鬢間新有絲。一看
竹馬戲，每憶童騃時。童騃饒戲樂，老大多
憂悲。靜念彼與此，不知誰是癡。

歎常生

西村常氏子，卧疾不須臾。前旬猶訪我，今

日忽云殂時我病多暇與之同野居園林
青鵲鵲相去數里餘村鄰無好客所遇唯
農夫之子何如者往還猶勝無于今亦已
矣可爲一長吁

寄元九

一病經四年親朋書信斷窮通合易交自
笑知何晚元君在荆楚去日唯云遠彼獨
是何人心如石不轉憂我貧病身書來唯
勸勉上言少愁苦下道加飧飯憐君爲謫

吏窮薄家貧福三寄衣食資數盈二十萬
豈是貪衣食感君心繾綣念我口中食分
君身上暖不因身病久不因命多蹇平生
親友心豈得知深淺

以鏡贈別

人言似明月我道勝明月明月非不明一
年十二缺豈如玉匣裏如水長澄澈月破
天暗時圓明獨不歇我慙貌醜老繞鬢斑
斑雪不如贈少年迴照青絲髮因君千里

去持此將爲別

城上對月期友人不至

古人惜晝短勸令秉燭遊况此迢迢夜明月滿西樓復有盈樽酒置在城上頭期君君不至人月兩悠悠照水烟波白照人肌髮秋清光正如此不醉即須愁

念金鑿子二首

衰病四十身嬌癡三歲女非男猶勝無慰情時一撫一朝捨我去魂影無處所况念

札

夫化時嘔啞初學語始知骨肉愛乃是憂悲聚唯思未有前以理遣傷苦忘懷日已久三度移寒暑今日一傷心因逢舊乳母

又一首

與爾爲父子八十有六旬忽然又不見邇來三四春形質本非實氣聚偶成身恩愛元是妄緣合暫爲親念茲庶有悟聊用遣悲辛暫將理自奪不是忘情人

對酒

長生

人生一百歲通計三萬日，何況百歲人。
人間百無一賢愚，共零落貴賤同埋沒。
東岱前後魂北邙，新舊骨復聞藥誤。
者爲愛延年術，又有憂死者爲貪政事。
筆藥誤不得老，憂死非因疾。誰人言最靈，
知得不知失。何如會親友，飲此盃中物。
能沃煩慮銷，能陶真性出。所以劉阮輩，
終年醉兀兀。

渭村雨歸

渭水寒漸落，離離蒲稗苗。開旁沙邊立，看

人刈葦苕。近水風景冷，晴明猶寂寥。
復茲夕陰起，野思重蕭條。蕭條獨歸路，
暮雨濕村橋。

諭懷

黑頭日已白，白面日已黑。人生未死間，
變化何終極。常言在己者，莫若形與色。
一朝改變來，止遏不能得。况彼身外事，
悠悠通與塞。

喜友至留宿

林中喜友至，留宿不聞公。聞車馬聲，
云

村中少賓客柴門多不開忽聞車馬至云
是故人來况值風雨夕愁心正悠哉願君
且同宿盡此手中杯人生開口笑百年都
幾迴

西原晚望

花菊引閑行行上西原路原上晚無人因
高聊四顧南阡有烟火北陌連墟墓村鄰
何蕭疎近者猶百步吾廬在其下寂寞風
日暮門外轉枯蓬籬根伏寒兔故園汴水

條

步

無

上離亂不堪去近歲始移家飄然此村住
新屋五六間古槐八九樹便是衰病身此
生終老處

感鏡

美人與我別留鏡在匣中自從花顏去秋
水無芙蓉經年不開匣紅埃覆青銅今朝
一拂拭自照顛額容照罷重惆悵背有雙
盤龍

塵

村居卧病三首

後

爲
戚戚抱羸病，悠悠度朝暮。夏木纔結陰，秋
蘭已含露。前日巢中卵，化作雛飛去。昨日
穴中蟲，蛻爲蟬上樹。四時未常歇，一物不
暫住。唯有病客心，沉然獨如故。

又一首

新秋久病客，起步村南道。盡日不逢人，蟲
聲徧荒草。西風吹白露，野綠秋仍早。草木
猶未傷，先傷我懷抱。朱顏與玄鬢，強健幾
時好。况爲憂病侵，不得依年老。

又一首

種黍三十畝，雨來苗漸大。種韭二十畦，秋
來欲堪刈。望黍作冬酒，留韭爲春菜。荒村
百物無，待此養衰瘵。普廬備陰雨，補褐防
寒歲。病身知幾時，且作明年計。否人老
無秋沐浴，難斷好手，即身太瘦，封豕食
經年不沐浴，塵垢滿肌膚。今朝一澡濯，衰
瘦頗有餘。老色頭鬢白，病形支體虛。衣寬
有賸帶，髮少不勝梳。自問今年幾，春秋四

株

十初四十已如此七十復何如
栽松二首
小松未盈尺心愛手自移
蒼然澗底色雲濕烟霏
栽植我年晚長成君性遲
如何過四十種此數寸枝
得見成陰否人生七十
稀
愛君抱晚節憐君含直文
欲得朝朝見塔前故種君
知君死則已不死會凌雲
病中友人相訪

卧久不記日南窗昏復昏
蕭條草簷下寒雀朝夕聞
強扶牀前杖起向庭中行
偶逢故人至便當一逢迎
移榻就斜日披裘倚前楹
閑談勝服藥稍覺有心情
自覺二首

四十未爲老憂傷早衰惡
前歲二毛生今年一齒落
形骸日損耗心事同蕭索
夜寢與朝飧其間味亦薄
同歲崔舍人容光方灼灼
始知年與貌衰盛隨憂樂
畏老老轉

道

道憂病病彌縛不畏復不憂是除老病藥

又一首

朝哭心所愛暮哭心所親親愛零落盡安
用身獨存幾許平生歡無限骨肉恩結為
腸間痛聚作鼻頭辛悲來四支緩泣盡雙
眸昏所以年四十心如七十人我聞浮圖
教中有解脫門置心為止水視身如浮雲
抖藪垢穢衣度脫生死輪胡為戀此苦不
去猶逡巡迴念發弘願願此見在身但受

慧

過去報不結將來因誓以智惠水永洗煩

惱塵不將恩愛子更種憂悲根

雨夜有念

以道治心氣終歲得晏然何乃戚戚意忽

來風雨天既非慕榮顯又不恤飢寒胡為

悄不樂抱膝殘燈前形影暗相問心默對

以言骨肉能幾人各在天一端吾兄寄宿

州吾弟客東川南北五千里我身在中間

欲去病未能欲住心不安有如波上舟此

苦

聞本饑

寄楊六

縛而彼牽自我向道來于今六七年鍊成
 不二性銷盡千萬緣唯有恩愛火往往猶
 熬煎豈是藥無効病多難盡蠲
 青宮官冷靜赤縣事繁劇一閑復一忙動
 作經時隔清觴久廢酌白日頰虛擲念此
 忽踟躕悄然心不適豈無舊交結久別成
 遷易亦有新往還相見多形迹唯君於我
 分堅久如金石何況老大來人情重姻戚
 或

會稀歲月急此事真可惜幾迴開口笑便
 到髭鬚白公門苦鞅掌晝日無關隙猶冀
 乘暝來靜言同一夕

送春

三月三十日春歸日復暮惆悵問春風明
 朝應不住送春曲江上眷眷東西顧但見
 撲水花紛紛不知數人生似行客兩足無
 停步日日進前程前程幾多路兵刀與水
 火盡可違之去唯有老到來人間無避處

感時良爲已，獨倚池南樹。今日送春心，心
如別親故。去年渭水曲，秋時訪我來。今年常樂里，春
日哭君迴。哭君仰問天，天意安在哉。若必
奪其壽，何如不與才。落然身後事，妻病女
嬰孩。

別李十一後重寄 自此後江州路

秋日正蕭條，驅車出蓬華。迴望青門道，目

極心鬱鬱，豈獨戀鄉土。非關慕簪紱，所

別李君平生同道術，俱承金馬詔。聯秉諫

臣筆，共上青雲梯。中途一相失，江湖我方

往，朝庭君不出。蕙帶與華簪，相逢是何日。

初出藍田路作

停驂問前路，路在秋雲裏。蒼蒼縣南道，去
途從此始。絕頂忽盤上，衆山皆下視。下視
千萬峯，峯頭如浪起。朝經韓公坂，夕次藍

橋水潯陽僅四千里始行七十里人煩馬蹄
阻勞苦已如此

仙娥峯下作

我爲東南行始登商山道商山無數峯最
愛仙娥好參差樹若插匝雲如抱渴望
寒玉泉香聞紫芝草青崖屏削碧白石牀
鋪綺向無如此物安足留四皓感彼私自
問歸山何不早可能塵土中還隨衆人老
微雨夜行

漠漠秋雲起稍稍夜寒生但覺衣裳濕無
點亦無聲

再到襄陽訪問舊居

昔到襄陽日髯髯初有髭今過襄陽日髭
鬢半成絲舊遊都似夢乍到忽如歸東郭
蓬蒿宅荒涼今屬誰故知多零落閣井亦
遷移獨有秋江水烟波似舊時

寄微之三首

江州望通州天涯與地末有山萬丈高有

江千里闔閩之以雲霧飛鳥不可越誰知
千古險爲我二人設通州君初到鬱鬱愁
如結江州我方去迢迢行未歇道路日乘
隔音信日斷絕因風欲寄語地遠聲不徹
生當復相逢死當從此別

又一首

君遊襄陽日我在長安住今君在通州我
過襄陽去襄陽九里郭樓雉連雲樹顧此
稍依依是君舊遊處蒼茫薰葭水中有潯

陽路此去更相思江西少親故

又一首

去國日已遠喜逢物似人如何含此意江
上坐思君有如河嶽氣相合方氛氲狂風
吹中絕兩處成孤雲風迴終有時雲合豈
無因努力各自愛窮通我爾身

舟中雨夜

江雲暗悠悠江風冷脩脩夜雨滴船背夜
浪打船頭船中有病客左降向江州

夜聞歌者

夜泊鸚鵡洲秋江月澄澈鄰船有歌者發
調堪愁絕歌罷繼以泣泣聲通復咽尋聲
見其人有婦顏如雪獨倚帆檣立娉婷十
七八夜淚似真珠雙雙墮明月借問誰家
婦歌泣何淒切一問一露襟低眉終不說

江樓聞砧

江人授衣晚十月始聞砧一夕高樓月萬
里故園心

宿東林寺

經窻燈焰短僧爐火氣深索落廬山夜風
雪宿東林

憶洛下故園

潯陽遷謫地洛陽離亂年烟塵三川上炎
瘴九江邊鄉心坐如此秋風仍颯然

贈別崔五

朝送南去客暮迎北來賓孰云當大路少
遇心所親勞者念息肩熱者思濯身何如

從

雲

愁獨日忽見平生人平生已不淺是日重
 殷勤問君何處來及此江亭春江天春多
 陰夜月隔重雲移樽樹間飲燈照花紛紛
 一會不易得餘事何足云明朝又分手今
 夕且權忻
 且陰

春晚寄微之

三月江水闊悠悠桃花波年芳與心事此
 地共蹉跎南國方譴謫中原正兵戈眼前
 故人少頭上白髮多通州更迢遞春盡復

雨

如何

漸老

今朝復明日不覺年齒暮白髮逐梳落朱
 顏辭鏡去當春頗愁寂對酒寡歡趣遇境
 多愴辛逢入少舊故形質屬天地推遷從
 不住所恠少年心銷磨落何處

送幼史

淮右寇未散江西歲再徂故里干戈地行
 人風雪途此時與爾別江畔立踟躕

怪 蒼 敦

夜雪

已訝衾枕冷復見窻戶明
夜深知雪重時聞折竹聲

寄行簡

鬱鬱眉多歛默默口寡言
豈是願如此舉自誰與歡
去春爾西征從事巴蜀間
今春我南謫抱疾江海壖
相去六千里地絕天
邈然十書九不達何以開
憂顏渴人多夢飲饑人多
夢食春來夢何處合眼到
東川

首夏

孟夏百物滋動植一時好
麋鹿樂深林蟲蛇喜豐草
翔禽愛密葉游鱗悅新藻
天和遺漏處而我獨枯槁
一身在天末骨肉皆遠道
舊國無來人寇戎塵浩浩
沉憂竟何益祗自勞懷抱
不如放身心冥然任天造
潯陽多美酒可使杯不燥
溢魚賤如泥烹炙無昏早
朝飯山下寺暮醉湖中島
何必歸故鄉茲焉可終老

山谷詩名
餘有十首
之四
相望六千里
大地滯江山
書九不到
何用一月
同人多夢
何春未夢

禮姑孟夏思渭村舊居寄舍弟

嘖嘖雀引雛稍稍笋成竹時物感人情憶思

我故鄉曲故園渭水上十載事樵牧手種

榆柳成陰陰覆墻屋兔隱豆苗犬鳥鳴桑

椹熟前年當此時與爾同遊矚詩書課弟

姪農圃資僮僕日暮麥登場天晴蠶拆簇

弄泉南澗坐待月東亭宿興發飲數盃悶

來甚一局一朝忽分散萬里仍羈束并鮒

思返泉籠鶯悔出谷九江地卑濕四月天

炎燠苦雨初入梅瘴雲稍含毒泥秧水畦

稻灰種畝田粟已訝殊歲時仍嗟異風俗

閑登郡樓望日落江山綠歸鴈拂鄉心平

湖斷人目殊方我漂泊舊里君幽獨何時

同一瓢飲水心亦足

早蟬

六月初七日江頭蟬始鳴石楠深葉裏薄

暮兩三聲一催衰鬢色再動故園情西風

殊未起秋思先秋生憶昔在東掖宮槐花

山谷
嘖嘖
作一首
山谷
稍
稍
肥

山谷
苦雨
一首

雁

改

下聽今朝無恨思雲樹遶淦城

感情

中庭照服玩忽見故鄉履昔贈我者誰東
鄰嬋娟子因思贈時語特用結終始永願
如履綦雙行復雙止自吾謫江郡漂蕩三
千里為感長情人提携同到此今朝一惆
悵反覆看未已人隻履猶雙何曾得相似
可嗟復可惜錦表繡為裏况經梅雨來色
黯花草死

曬

南湖晚秋

八月白露降湖中水芳老旦夕秋風多衰
荷半傾倒手攀青楓樹足躡黃蘆草慘淡
老容顏冷落秋懷抱有兄在淮楚有弟在
蜀道萬里何時來烟波白浩浩

郡廳有樹晚榮早凋人不識名因題

其上

潯陽郡廳後有樹不知名秋先梧桐落春
後桃李榮五月始萌動八月已凋零左右

而

皆松桂四時鬱青青豈量雨露恩霑濡不
均平榮枯各有分天地本無情顧我本相亦
類早衰向晚成形骸少多病三十不豐盈
毛鬢早改變四十白髭生誰教兩蕭索相
對此江城

感秋懷微之

葉下湖又波秋風此時至誰知濩落心先
納蕭條氣推遷感流歲漂泊思同志昔為
烟霄侶今作泥塗吏白鷗毛羽弱青鳳文
移

煙霞時有

事

章異各閉一籠中歲晚同顛顛

因沐感髮寄朗上人二首

年長身轉慵百年無所欲乃至頭上髮經
年方一沐沐稀髮苦落一沐仍半禿短鬢
經霜蓬老面辭春木強年過猶近衰相來
何速應是煩惱多心焦血不足

又一首

漸少不滿把漸短不盈尺况茲短少中日
夜落復白既無神仙術何除老死籍祇有

解脫門能度衰苦厄掩鏡望東寺降心謝
禪客衰白何足言剝落猶不惜

早蟬

月出先照山風生先動水亦如早蟬聲先
入閑人耳一聞愁意結再聽鄉心起渭上
村蟬聲先聽渾相似衡門有誰聽日暮槐
花裏

苦熱喜涼

經時苦炎暑心體但煩倦白日一何長清

康 竟

秋不可見歲功成者去天數極則變潛知
寒燠間遷次如乘傳火雲忽朝歛金風俄
夕扇枕簟遂清涼筋骸稍輕健因思望月
侶好卜迎秋宴經夜無客來引杯還自勸

早秋晚望兼呈韋侍御郎

九派繞孤城城高生遠思人烟半在船野
水多於地穿霞日脚直驅鴈風頭利去國
來幾時江上秋三至夫君亦淪落此地同
飄寄憫默向隅心摧頽觸籠翅且謀眼前

雁

漂然

計莫問胷中事，潯陽酒甚濃。相勸時時醉，

雨徑綠蕪合，霜園紅葉多。蕭條司馬宅，門

巷無人過。唯對大江流，秋風朝夕波。

司馬廳獨宿

荒涼滿庭草，偃亞侵簷竹。府吏下廳簾，家

僮開被，撲數聲。城上漏一點，窻間燭。官曹

冷似冰，誰肯來同宿。

夢與李七庾三十三同訪元九

夜夢歸長安，見我故親友。損之在我左，順

之在我右。云是二月天，春風出。携手同過

靖安里，下馬尋元九。元九正獨坐，見我笑

開口，還指西院花。仍開北亭酒，如言各有

故。似惜歡難久，神合俄頃間。神離欠伸後，

覺來疑在側。求索無所有，殘燈影閃牆。斜

月光穿牖，天明西北望。萬里君知否，老去

無見期。踟躕搔白首。

秋槿

風

風露颯已冷，天色亦黃昏。中庭有槿花，榮落同一晨。秋開已寂寞，夕殞何紛紛。正怜少顏色，復歎不逡巡。感此因念彼，懷哉聊一陳。男兒老富貴，女子晚婚姻。頭白始得志，色衰方事人。後時不獲已，安得如青春。

答元郎中楊負外喜烏見寄

南宮鴛鴦地，何忽烏來止。故人錦帳郎，聞烏笑相視。疑烏報消息，望我歸鄉里。我歸應待烏頭白，慙愧元郎誤歡喜。

十終

白氏文集卷第十一

感傷三 古體 五言 凡五十三首

初入峽有感

上有萬仞山，下有千丈水。蒼蒼兩崖間，闊狹容一葦。瞿唐呀直瀉，灩澦屹中峙。未夜黑巖昏，無風白浪起。大石如刀劍，小石如牙齒。一步不可行，况千三百里。苒弱竹篾箬，欹危檝師趾。一跌無完舟，吾生繫於此。常聞仗忠信，蠻貊可行矣。自古漂沉人，豈

流

盡非君子况吾時與命蹇舛不足恃常恐
不才身復作無名死

過昭君村

靈珠產無種彩雲出無根亦如彼姝子生
此避陋村至麗物難掩遽選入君門獨羨
衆所嫉終棄於塞垣唯此希代色豈無一
顧恩事排勢須去不得由至尊白黑既可
變丹青何足論竟埋岱北骨不返巴東魂
慘澹晚雲水依倚舊鄉園妍姿化已久但
有村名存村中有遺老指點爲我言不取
往者戒恐貽來者寃至今村女面燒灼成
癍痕

自江州至忠州

前在潯陽日已歎賓朋寡忽忽抱憂懷出
門無處寫今來轉深僻窮峽巔山下五月
斷行舟灑堆正如馬巴人類猿狖矍爍滿
山野敢望見交親喜逢似人者

初到忠州登東樓寄萬州楊八使君

乃得

山東邑居窄，峽中氣候偏。林巒少平地，霧
雨多陰天。隱隱煮鹽火，漠漠燒畝烟。賴此
東樓夕風月，時脩然。憑軒望所思，目斷心
悄悄。背春有去鴈，上水無來船。我懷巴東
守，本是關西賢。平生已不淺，流落重相怜。
水梗漂萬里，籠禽囚五年。新恩同雨露，遠
郡鄰山川。書信雖往復，封疆徒接連。其如
美人面，欲見杳無緣。

郡中

鄉路音信斷，山城日月遲。欲知州近遠，階
前摘荔枝。

西樓夜

山谷山郭，今曰才四首，已一首，十又

悄悄復悄悄，城隅隱林杪。山郭燈火稀，峽
天星漢少。少年光東流，水生計南枝。烏月沒
江沉沉，西樓殊未曉。

東樓晚

脉脉復脉脉，東樓無宿客。城暗雲霧多，峽
深田地窄。宵燈尚留焰，晨禽初展翮。欲知

光

山高低不見東方白

寄王質夫

憶始識君時愛君世緣薄我亦吏王畿不
爲名利著春尋仙遊洞秋上雲居閣樓觀
水潺潺龍潭花漠漠吟詩石上坐引酒泉
邊酌因話出處心心期老巖壑忽從風雨
別遂被簪纓縛君作出山雲我爲入籠鶴
籠深鶴殘額山遠雲飄泊去處雖不同同
負平生約今來各何在老去隨而託我守

憔悴

巴南城君佐征西暮年顏漸衰颯生計仍
蕭索方舍去國愁且羨從軍樂舊遊疑是
夢往事思如昨相憶春又深故山花正落

南賓郡齋即事寄楊萬州

山上巴子城山下巴江水中窮獨人強
名爲刺史時時竊自哂刺史豈如是倉粟
餒家人黃絲裹妻子莓苔翳冠帶霧雨霾
樓雉衙鼓暮復朝郡齋卧還起迴頭望南
浦亦在烟波裏而我復何嗟夫君猶滯此

招蕭處士

峽內豈無人相逢非所思門前亦有客相對不相知仰望但雲樹俯顧惟妻兒寢食起居外端然無所爲東郊蕭處士聊可與開眉能飲滿盃酒善吟長句詩庭前吏散後江畔路乾時請君携竹杖一赴郡齋期

庭槐

南方饒竹樹唯有青槐稀十種七八死縱活亦支離何此郡庭下一樹獨華滋蒙蒙

栳

碧烟葉嫋嫋黃花枝我家渭水上此樹蔭前墀忽向天涯見憶在故園時人生有情感遇物牽所思樹木猶復爾况見舊親知

送客廻晚興

城上雲霧開沙頭風浪定參差亂山出澹泞平江淨行客舟已遠居人酒初醒嫋嫋秋竹梢巴蟬聲似磬

東樓竹

蕭灑城東樓遶樓多脩竹森然一萬竿白

粉封青玉捲簾睡初覺歌枕看未足影轉
色入樓牀席生浮綠空城絕賓客向夕彌
幽獨樓上夜不歸此君留我宿

九日登巴臺

黍香酒初熟菊暖花未開聞聽竹枝曲淺
酌茱萸杯去年重陽日漂泊湓城隈今歲
重陽日蕭條巴子臺旅鬢尋已白鄉書久
不來臨觴一搔首坐客亦徘徊

東城尋春

山谷
七也日上面
飲懷日去心
今既不如昔
後當不如今

老色日上面歡情日去心今既不如昔後
當不如今今猶未甚衰每事力可任花時
仍愛出酒後尚能吟但恐如此興亦隨日
銷沉東城春欲老勉強一來尋

江上送客

江花已萎絕江草已銷歇遠客何處歸孤
舟今日發杜鵑聲似哭湘竹班如血共是
多感人仍爲此中別

桐花

春今有常候清明桐始發何此巴峽中桐
花開十月豈伊物理變信是土宜別地氣
反寒暄天時倒生殺草木堅強物所稟固
難奪風候一參差榮枯遂乖劣况吾北人
情不耐南方熱強羸壽夭間安得依時節
早祭風伯因懷李十一舍人
遠郡雖褊陋時祀奉朝經夙興祭風伯天
氣曉冥冥導騎與從吏引我出東垞水霧
重如雨山火高於星忽憶早朝日與君趨

刺

紫庭步登龍尾道却望終南青一別身向
老而思心未寧至今想在耳玉音尚玲玲
花下對酒二首

藹藹江氣春南賓閏正月梅櫻與桃杏次
第城上發紅芳爛簇火素豔紛圍雪香惜
委風飄愁牽歷枝折樓中老太守頭上新
白髮冷澹痛心情暄和好時節故園音信
斷遠郡親賓絕欲問花前樽依然爲誰設

又一首

山谷病
冷淡惡
一日

妾

引手攀紅櫻，紅櫻落似霰。仰首看白日，白日走如箭。年芳與時景，頃刻猶衰變。况是血肉身，安能長強健。人心苦迷執，慕貴憂貧賤。愁色常在眉，歡容不上面。沉吾頭半白，把鏡非不見。何必花下杯，更待他人勸。

不二門

得
兩眼日將闇，四支漸衰瘦。束帶賸昔圍，穿衣妨寬袖。流年似江水，奔注無昏晝。志氣與形骸，安能長依舊。亦曾登玉陛，舉措多

陛

紕繆至今，金闕籍名姓。獨遺漏，亦曾燒大藥。消息乖火候，至今殘丹砂。燒乾不成就，行藏事兩失。憂惱心交闖，化作顛顛翁。拋身在荒陋，坐看老病逼。須得醫王救，唯有不二門。其間無夭壽。

我身

我身何所似，似彼孤生蓬。秋霜翦根斷，浩浩隨長風。昔遊秦雍間，今落巴蠻中。昔為意氣郎，今作寂寥翁。外貌雖寂寞，中懷頗

實

冲融賦命有厚薄委心任窮通通當爲大
鵬舉翅摩蒼穹窮則爲鷦鷯一枝足自容
苟知此道者身窮心不窮

哭王質夫

仙遊寺前別別來十年餘生別猶快快死
別復何如客從梓潼來道君死不虛驚疑
心未信欲哭復踟躕踟躕寢門側聲發涕
亦俱衣上今日淚篋中前月書憐君古人
風重有君子儒篇詠陶謝輩風襟秘阮徒

起

出身既蹇連生世仍須臾誠知天至高安
得不一呼江南有毒蟒江北有妖狐皆享
千年壽多於王質夫不知彼何德不識此
何辜

東坡種花二首

持錢買花樹城東坡上栽但購有花者不
限桃杏梅百果參雜種千枝次第開天時
有早晚地力無高低紅者霞豔豔白者雪
皚皚遊蜂遂不去好鳥亦棲來前有長流

構

水下有小平臺時拂臺上石一舉風前盃
花枝蔭我頭花藥落我懷獨酌復獨詠不
覺月平階巴俗不愛花竟春無人來唯此
醉太守盡日不能迴上送別觀本外各不

又一首

東坡春向暮樹木今何如漠漠花落盡翳
翳葉生初每日領僮僕荷鋤仍決渠刻土
壅其本引泉溉其枯小樹低數尺大樹長
丈餘封植來幾時高下齊扶踈養樹既如

此養民亦何殊將欲茂枝葉必先救根株
云何救根株勸農均賦租云何茂枝葉省
事寬刑書移此為郡政庶幾忙俗蘇

登城東古臺

此語同

迢迢東郊上有土青崔嵬不知何代物疑
是巴王臺巴歌久無聲巴宮沒黃埃靡靡
春草合牛羊緣四隈我來一登眺目極心
悠哉始見江山勢峯壘水環迴憑高視聽
曠向遠曾襟開唯有故園念時從東北來

哭諸故人因寄元八
 昨日哭寢門今日哭寢門
 借問所哭誰無非故交
 親偉卿既長往質夫亦幽
 淪屈指數年世收涕自思
 身彼皆少於我先為泉下
 人我今頭半白焉得身久
 存好在元郎中相識二十
 春昔見君生子今聞君抱
 孫存者盡老大逝者已成
 塵早晚升平宅開眉一見
 君

郡中春讌因贈諸客

懷

僕本儒家子待詔金馬門
 塵忝親近地孤負聖明恩
 一旦奉優詔萬里牧遠人
 可憐島夷師自稱為使君
 身騎牂牁馬口食塗江鱗
 闇淡緋衫故爛斑白髮新
 是時歲二月玉曆布春分
 頒條示皇澤命宴及良辰
 冉冉趨府吏蚩蚩聚州民
 有如蟄蟲鳥亦應天地春
 薰草席鋪座藤枝酒注樽
 中庭無平地高下隨所陳
 蠻鼓聲坎坎巴女舞蹲蹲
 使君居上頭掩口語眾賓
 勿笑風俗

親

陋勿欺官府貧蜂巢與蟻穴隨分有君臣

開元寺東池早春

池水暖溫暎水清波澹灩蒨蒨青泥中新
蒲葉如劍梅房小白裹柳彩輕黃染順氣
草薰薰適情鷗汎汎舊遊成夢寐往事隨
陽焱芳物感幽懷一動平生念

東澗種柳

野性愛栽植植柳水中坻乘春持斧斫栽
截而樹之長短既不一高下隨所宜倚岸

埋大幹臨流挿小枝松栢不可待梗枿固
難移不如種此樹此樹易榮滋無根亦可
活成陰況非遲三年未離郡可以見依依
種罷水邊憇仰頭閑自思富貴本非望功
名須待時不種東溪柳端坐欲何爲

卧小齋

朝起視事畢晏坐飽食終散步長廊下退
卧小齋中拙政自多暇幽情誰與同孰云
二千石心如田野翁

步東坡

朝上東坡步夕上東坡步東坡何而愛愛

此新成樹種植當歲初滋榮及春暮信意

取次栽無行亦無數綠陰斜景轉芳氣微

風度新葉鳥下來萎花蝶飛去閑携斑竹

杖徐曳黃麻履欲識往來頻青蕪成白路

徵秋稅畢題郡南亭

高城直下視蠢蠢見巴蠻安可施政教尚

不通語言且喜賦歛畢幸聞閭井安豈伊

循良化賴此豐登年按牘既簡少池館亦

清閑秋雨簷果落夕鐘林鳥還南亭日蕭

灑偃卧恣踈頑

蚊蠶

巴徼炎毒早三月蚊蠶生啞膚拂不去遶

耳薨薨聲斯物頗微細中人初甚輕如有

膚受譖久則瘡疔成疔成無柰何所要防

其萌磨蟲何足道潛喻傲人情

登龍昌上寺望江南山懷錢舍人

蚊 蠶

騎馬出西郭悠悠欲何之獨上高寺去一
與白雲期虛檻晚蕭灑前山碧參差忽似
青龍閣同望玉峯時因詠松雪句永懷鸞
鶴姿六年不相見况乃隔榮衰
西日照高樹樹頭子規鳴東風吹野水水
畔江籬生盡日看山立有時尋澗行兀兀
長如此何許似專城

遣懷

園

樂往必悲生泰來猶否極誰言此數然吾
道何終塞嘗求詹尹卜拂龜竟默默亦曾
仰問天天但蒼蒼色自茲唯委命名利心
雙息近日轉閑安鄉國亦休憶迴看世間
苦苦在求不得我今無所求庶離憂悲域

歲晚

霜降水返壑風落木歸山冉冉歲將晏物
皆復本源何此南遷客五年獨未還命途
分已定日久心彌安亦嘗心與口靜念私

山石
霜降水返壑
心落不歸山
此其皆同類

自言去國固非樂歸鄉未必歡何須自生
苦捨易求其難

負冬日

杲杲冬日出照我屋南隅負暄閉目坐和
氣生肌膚初似飲醇醪又如蟄者蘇外融
百骸暢中適一念無曠然忘所在心與虛
空俱

委順

山城雖荒蕪竹樹有嘉色郡俸誠不多亦

吳懷齊遠近
其履隨氣
天居任亦得

足充衣食外累由心起心寧累自息尚欲
忘家鄉誰能筭官職宜懷齊遠近委順隨
南北歸去誠可憐天涯住亦得

宿溪翁

衆心愛金玉衆口貪酒肉何此溪上翁飲
瓢亦自足溪南刈薪草溪北修牆屋歲種
一頃田春驅兩黃犢於中甚安適此外無
營欲溪畔偶相逢庵中遂同宿辭翁向朝
市問我何官祿虛言笑殺翁郎官應列宿

重過壽泉憶與楊九別時因題店壁
商州南十里有水名壽泉湧出石崖下流
經山店前憶昔相送日我去君言還寒波
與老淚此地共潺湲一去歷萬里再來經
六年形容已變改處所猶依然他日君過
此殷勤吟此篇

西掖早秋直夜書意亦自此後中書
舍人時作

涼風起禁掖新月生宮沼夜半秋暗來萬

年枝嫋嫋炎涼遞時節鐘鼓交昏曉遇聖
惜年衰報恩愁力小素餐無補益朱綬虛
纏繞冠蓋栖野雲稻粱養山鳥量力私自
省所得已非少五品不爲賤五十不爲夭
若無知足心貪求何日了

庭松

堂下何所有十松當我階亂立無行次高
下亦不齊高者三文長下者十尺低有如
野生物不知何人栽接以青瓦屋承之白

沙臺朝昏有風月燥濕無塵泥疏韻秋撼
撼涼陰夏淒淒春深微雨夕滿葉珠濯濯
歲暮大雪天壓枝玉皚皚四時各有趣萬
木非其儕去年買此宅多爲人所詒一家
二十口移轉就松來移來有何得但得煩
襟開即此是益友豈必交賢才顧我唯俗
士冠帶走塵埃未稱爲松主時時一愧懷

竹窻

嘗愛輞川寺竹窻東北廊一別十餘載見

山
輕沙
一者

竹未曾忘今春二月初卜居在新昌未暇
作厩庫且先營一堂開窻不糊紙種竹不
依行意取北簷下窻與竹相當遶屋聲浙
浙逼入色蒼蒼烟通杳藹氣月透玲瓏光
是時三伏天天氣熱如湯獨此竹窻下朝
迴解衣裳輕紗一幅中小簾六尺牀無客
盡日靜有風終夜涼乃知前古人言事頗
諳詳清風北窻卧可以傲羲皇
同韓侍郎遊鄭家池吟詩小飲

野艇容三人晚池流澆澆悠然倚棹坐水
思如江海宿雨洗沙塵晴風蕩烟靄殘陽
上竹樹枝葉生光彩我本偶然來景物如
相待白鷗驚不起綠芡行堪採齒髮雖已
衰性靈未云改逢詩遇盃酒尚有心情在
晚歸有感

朝弔李家孤暮問崔家疾迴馬獨歸來
佗眉心鬱鬱平生所善者多不過六七如何
十年間零落三無一劉曾夢中見元向花
前失漸老與誰遊春城好風日

曲江感秋二首并序

元和二年三年四年予每歲有曲江感秋
詩凡三篇編在第七集卷是時予爲左拾
遺翰林學士無何貶江州司馬忠州刺史
前年遷主客郎中知制誥未周歲授中書
舍人今遊曲江又值秋日風物不改人事
屢變况予中否後遇昔壯今衰慨然感懷
復有此作噫人生多故不知明年秋又何

許也時二年七月十日云耳

元和二年秋我年三十七長慶二年秋我
年五十一中間十四年六年居譴黜窮通
與榮悴委運隨外物遂師廬山遠重吊湘
江屈夜聽竹枝愁秋看灩堆沒近辭巴郡
印又秉綸闈筆晚遇何足言白髮映朱紱
銷沈昔意氣改換舊容質獨有曲江秋風
烟如往日

又一首

跡蕪南岸草蕭颯西風樹秋到來幾時蠟
聲又無數莎平綠茸合蓮落青房露今日
臨望時往年感秋處池中水依舊城上山
如故獨我鬢間毛昔黑今垂素榮名與壯
齒相避如朝暮時命始欲來年顏已先去
當春不歡樂臨老徒驚悞故作詠懷詩題
於曲江路

翫松竹二首

龍蛇隱大澤麋鹿遊豐草栖鳳安於梧潛

魚樂於藻吾亦愛吾廬廬中樂吾道前松
後脩竹偃卧可終老各附其所安不知他
物好

坐愛前簷前卧愛北窓北窓竹多好風簷
松有嘉色幽懷一以合俗念隨緣息在爾
雖無情於予即有得乃知性相近不必動

與植

吟

衰病無趣因詠所懷

朝食多不飽夜卧常少睡自覺寢食間都

與

無少年味平生好詩酒今亦將捨棄酒唯
下藥飲無復會歡醉詩多聽人吟自不題
一字病姿引衰相日夜相繼至况當尚少
朝彌慙居近侍終當求一郡聚少漁樵費
合口便歸山不問人間事

逍遙詠

亦莫戀此身亦莫厭此身此身何足戀萬
劫煩惱根此身何足厭一聚虛空塵無戀
亦無厭始是逍遙人

白氏文集卷第十一



110X
430
30